

續

古

文

苑

續古文苑卷第十六

賜進士及第授通奉大夫山東通省督糧道加三級孫星衍撰

碑志二

宋臨澧侯劉使君墓誌

曾祖宋孝皇帝祖諱道鄰字道鄰侍中太傅長沙景
王妃高平平陽檀氏字憲子謚曰景定妃父暢道淵
永寧令祖貌稚罷琅邪太守合葬琅邪臨沂莫府山
父諱義融字義融領軍車騎桂陽恭侯夫人琅邪臨
沂王氏字韶風父蘭長仁東陽太守祖穆伯遠臨海
太守合葬丹徒練壁雩山所生母湯氏宣城人葬練
壁雩山兄覲茂道散騎常侍桂陽孝侯夫人廬江潛

何氏憲英父愉之彥和通直常侍祖叔度金紫光祿

大夫合葬練壁雩山第三弟彪茂蔚祕書郎葬江乘

白山

今三字

夫人河南陽翟褚氏成班父方回太傅功

曹祖叔度雍州刺史第四弟寔茂

今三字

執太子舍人

夫人琅邪臨沂王氏淑婉父津景源中書郎祖虞休

仲左衛將軍合葬

今二字

江乘白山第五弟季

葉宋書作爽疑

此有誤茂通海陵太守葬練壁雩山夫人陳郡陽夏袁

今補氏妙父淑陽源太尉忠憲公祖豹士蔚丹楊尹

第一姊茂徽嬀陳郡長平殷臧憲郎父元素南康太

守祖曠思泰軍功曹重嬀琅邪臨沂王閔之希損

鎮西主簿父昇之休道都官尚書祖敬左光祿儀

同第二姊茂華。嫡廬江瀟何求子有。祕補書郎。父鎮

長宏。宜都太守。祖尚。補之。彥德。司空簡穆公。第三姊

茂姬。嫡平昌安。孟詵。元亮。中軍參軍。離榮謂離父

靈休。補太尉長史。祖昶。彥遠。丹楊尹。第四姊茂姜。嫡

蘭陵蕭惠徽。中書郎。父思話。征西將軍儀同三司。祖

源之。君流。前將軍。第五妹茂容。嫡蘭陵蕭瞻。叔文。父

斌。伯蒨。青冀二州刺史。祖募之。仲緒。丹陽尹。重。嫡濟

陽圉。蔡康之。景仁。通直郎。父熙。元明。散騎郎。祖廓。子

度。太常卿。第六妹茂嫻。嫡濟陽考城江遜。孝言。父湛

徽。淵。左光祿儀同。忠簡公。祖夷。茂遠。前將軍。湘州刺

史。重。嫡琅邪。臨沂王。法興。驃騎參軍。父翼之。季弼。廣

州刺史。祖楨之公幹。侍中。夫人濟陽考城江氏景嫺。父淳徽源。太子洗馬。祖夷茂遠。前將軍。湘州刺史。第一男晃。補長暉。出後兄紹。封桂陽侯。第二男旻。淵高。拜臨澧侯。卅子。第三男嵩。淵華。第四男量。淵邃。出後第四弟寔。第五男淵穎。第六男晏。淵平。第一女麗。昭。第二女麗明。第三女小字僧歸。亡葬。宋故散騎常侍護軍將軍臨澧侯劉使君墓誌。君諱襲。字茂德。南彭城人。宋高祖武皇帝弟景王之穆也。神姿韶雅。風譽夙懋。弱冠拜祕書郎。逮二凶肆禍。人倫道消。君身離幽執。僅免虎口。事清還復舊職。以母憂去官。旣除。又拜祕書郎。轉太子舍人。自升。

二宮令望允緝。出爲鎮蠻護軍。廬江太守。莅政平簡。聲績兼著。遷明威將軍。安成太守。屬中流構豐。四步迷逆。君英議獨發。招會如神。故能以一圖之旅。允濟忠節。義超終古。誠冠當今。皇朝欽嘉。爵賞取榮。除輔國將軍。郢州刺史。封建陵縣開國侯。俄徵太子右衛率。加給事中。未拜。遷侍中。冠軍將軍。改封臨澧縣開國侯。鎮肅石頭。實當關要之寄。遷左衛將軍。未拜。仍除中護軍。春秋卅有八。泰始六年三月十日薨於位。聖主嗟悼。朝野傷悲。有詔。故中護軍臨澧縣開國侯志行貞純。才用理濟。忠勳著於艱時。勲績倡乎泰運。年志始壯。奄焉凶折。悲傷惻割。實兼常懷。思加寵數。

以申哀榮可贈護軍將軍加散騎常侍餘補如故諡曰忠侯粵五月廿七日庚寅將葬于琅邪之乘武岡以悲幽明之殊隔傷一訣而永分仰清徽而攬淚係元石而裁文其辭曰

峩峩山岳效靈允矣君子誕膺休禎支蔭帝宇締慶文明德以行高仁與華二宮官政兩服國步時屯艱難斯屬忠則忘家義實光族朝廼欽庸以望既歸寵惟或侍帝言或司蕃戎方宏乎美家邦如何不躬芳稍述日月有時考辰筮吉元堂啓基深泉永安長悲

案此碑曾祖以下列在題前與北魏崔敬邕誌同例餘不多見

宋張氏墓誌

宋故臨渭縣侯湘東太守張府君諱濟夫人丘氏諱靜姬第三女推兒春秋卅有一亡於偏憂元徽元年十月甲辰十七日庚申權假窀穸於西鄉。

遠葉蘭飛浚源璇潔履順早辰含章妙歲選史圖容循詩範節皎鏡冬泉優柔春蕙濇北忸行營東慙藝冥昧慶善窅翳壽仁泣血實性團憂殲身罷景方旦摧華載春壠木已藹墓草行陳朱火幾爛元夜無晨故永陽敬太妃墓誌銘

梁徐勉

永陽大太妃王氏琅邪臨沂人也其先周靈王之後自秦漢逮於晉宋世載光圖羽儀相屬既以備于前

志故可得而畧焉。祖粹給事黃門侍郎父儼左將軍
司馬尋陽內史並見稱時輩太妃體中和之氣稟華
宗之烈蹈此溫恭表茲淑慎孝敬資於冥發仁愛
於自然至乎四教六訓之閑工言貞婉之德無待教
成因不該備故景行著于中■淑問顯乎言歸作嬪
盛德實光輔佐親縫幕之用躬服澣之勤及早世釐
居遺孤載藐提攜撫育逮乎成備斷織之訓既明闕
門之禮斯洽劬勞必盡曾不移志用能緝睦于中外
亦以宏濟乎艱難雖魯姜之勤節曹妃之敬讓方之
蔑如也皇業有造殷憂啓聖追惟魯衛建國永陽恭
王纂嗣蕃號式顯廼拜爲太妃策曰維天監二年六

月甲午朔十日癸卯皇帝遣宗室員外散騎侍郎持節兼散騎常侍蕭敬寶策命永陽王母王氏爲國太妃曰於戲惟爾茂德內湛粹衿範外昭國序凝芬蕃庭仰訓是用式遵舊典載章徽服往欽哉肅茲休烈可不慎歟備禴瑱之華而降心彌約居千乘之貴而處物愈厚旣而恭王不永禮從■訓導嗣孫載光榮祉年高事重志義方隆宜永綏福履而奄奪鴻慶以普通元年十月廿三日遘疾十一月九日己卯薨於第春秋五十有九詔曰永陽大太妃奄至薨逝哀摧切割不能自勝便出敘哀可給東園祕器喪事所須隨由■辨祖行有辰式■茂典又詔曰故永陽大

太妃禮數有殊德行惟光訓範蕃嗣式盛母儀即遠
戒期悲懷抽割可詳典故以隆嘉謚禮也粵其月廿
八日戊戌祔瘞于琅邪臨沂縣長千里黃鵠山用宣
風烈以昭弗朽廼爲銘曰

清瀾悠邈其儀尚矣龍光疊照風流世祀猗歟因匱
於昭不已誕資仁淑作嬪君子幽閑表操明德自躬
推厚處薄秉默居沖參差採芼揜映言工鑒昭彤管
識懋休風凝芬載湛芳猷允塞徙舍爲訓止閤成則
曹號母儀豈伊婦德穆茲闡闡形于邦國龍飛集運
禮數攸鍾憲章盛典車服有容泰而愈約貴則彌恭
蕃祉方茂纂嗣克重巾帶差池朝夕感事雖曰任傅

永請斯備。是惟仁姑。厥德可庇。恂恂濟濟。蘭芬瓊祕。
光陰易晚。祺福難留。閨儀罷映。綸華奄收。奠遷朱邸。
駕指行楸。芳■是勒。大■方攸。尚書右僕射太
子詹事臣勉奉救撰。

丹陽尹湘東王善政碑

梁裴子野

皇上建顯號。垂鴻名。廣大配乎天地。光華象乎日月。
長駕遠撫。橫逸乎都外。策鏡區域。充塞乎無垠。上冠
九垓。旁濟八表。制禮以告成功。作樂以彰治定。福應
允臻。祥慶符合。六府孔修。九官咸事。於往歲也。有司
奏以湘東王爲宣惠將軍丹陽尹。旣而下車爲政。振
民育德。循名責實。舉無遺慮。若夫據饋累起。求賢如

不及卑身折節用人若由己玉帛旅於上園辟書交
乎塗路求餘論於故府想遺風於舊哲延儒生於東
閣命文學於後車重門洞啓列筵廣置四民揔至獄
訟殷集王兼而治之綽有餘裕上宏其禮下悅其風
虛往實歸人得所至由是百吏仰成具僚斂衽千里
之閒有懷必亮躬親勸課賦政授時辨相物宜務盡
地利由是仍歲有秋餘糧栖畝是以縉紳先生愀然
相顧遂造象魏拜而陳之有詔報曰織介之善春秋
必書吏民歸美難用抑絕於是二三君子歡得所奏
乃擇工良匠追石名山撰德選辭興事篆刻俾萬代
之下知斯文之在斯銘曰

茫茫禹迹，經啓萬方。平秩肇定，曰若我皇。并苞九域，畫野分疆。猗歟帝子，日就月將。疏爵分品，奄有瀟湘。君王光啓，旣表南國。肇允神童，翻飛上德。導達元微，優游翰墨。行成師範，文爲麗則。帝曰爾諧，出康庶績。勿替敬典，大猷允迪。我王顯允，洵美且麗。夙夜乾乾，有隆无替。光贊大朝，庇民濟世。京邑翼翼，永承嘉惠。魏故中書令祕書監使持節督兖州諸軍事安

東將軍兖州刺史南陽文公鄭君之碑

公諱羲，字幼麟，司州滎陽開封人也。肇洪源於有周，胙母弟以命氏。桓以親賢，司徒武以善職，並歌緇衣之作，誦乎弈世。降逮於漢，鄭君當時播節讓以振高。

風大夫司農創解詁以開經義迹刊圖史美灼二書
德音雲翻碩響長列揚州以十策匡時司空豫州以
勲德著稱高祖畧恢亮儒素味道居真州府招辟莫
之能致值有晉弗覓君道陵夷聰曜虔劉避地冀方
隱括求全靜居自逸屬石氏勃興撥亂起正徵給事
黃門持節遷侍中尚書贈揚州刺史曾祖豁以明哲
佐世後燕中山尹太常卿濟南貞公祖溫道協儲端
燕太子瞻瞻同事父睦仁結義徒績著寧邊拜建威
將軍汝陰太守縣榮千載聯光百世自非積德累仁
慶屆無窮其孰能傳輝踵美致如此之遠哉可謂身
沒而名不朽者也公稟三靈之淑氣應五百之恒期

乘和載誕。文明冠世。篤信樂道。據德依仁。孝弟端雅。
寡言愍行。六藉孔精。百氏備究。八素九丘。靡不昭達。
至乎人倫禮式。陰陽律曆。尤所留心。然高真沈默。恥
爲傾側之行。不與俗和。絕於趣向之情。常慕晏平仲。
東里子產之爲人。自以爲博物不如也。蒞斯文於衡
泌。延德聲乎州閭。和平中。舉秀才。荅策高第。擢補中
書博士。弥以方正自居。雖才望稱官。而乃歷載不遷。
任清務簡。遂乘閑述作。注諸經論。撰話林數弓。弓同。
莫不元契聖理。超異恒儒。又作孔顏謠。靈巖頌。及諸
賦詠詔策。辭清雅博。皆行於世也。以才望見陟。遷中
書侍郎。又假員外散騎常侍。陽武子。南使宋國。宋主

客郎孔道均就郎設會酒行樂作均謂公曰樂其何
如公荅曰哀楚有餘而雅正不足其細已甚矣而能
久于乎同均嘿然而罷移年而蕭氏滅宋雖延陵之
觀昔詩鄭公之聽宋樂其若神明矣朝廷以公使協
皇華原際斯光遷給事中中書令總司文史敷奏惟
允國之律令是所議定公長子懿邕容和令器望兼
資早綜銓衡能聲徽著敦詩悅禮尤精易理季子道
昭博學明雋才冠祕穎研圖注篆超侍紫幄公行於
前吏部祕書隨其後凡厥庶寮莫不欽其人也於時
有識比之三陳後年不盈紀懿給事黃門侍郎太常
卿使持節督齊州諸軍事平東將軍齊州刺史道昭

秘書丞中書侍郎司徒諮議通直散騎常侍國子祭
酒秘書監司州大中正使持節督光州諸軍事平東
將軍光州刺史父官子寵才德相承海內敬其榮也
先時假公太常卿熒陽侯詣長安拜燕宣王廟還解
太常其給事中中書令侯如故縱縱同容鳳闈動斯
可則冠婚喪祭之禮書疏報問之式比之制矣民肯
行矣雖位未槐鼎而仁重有餘太和初除使持節安
東將軍督兗州諸軍事兗州刺史南陽公德政寬明
化先仁惠不嚴之治穆如清風拚桑有敬讓之高朝
市無鞭戮之刑即道之美不專於魯矣太和中徵祕
書監春秋六十有七寢疾薨於位凡百君子莫不悲

國秀之永沈哀道宗之長沒皇上振悼痛百常往遣使贈襚策贈有加謚曰文祭以太牢以太和十七年四月廿四日歸葬乎熒陽石門東南十三里三皇山之陽於是故吏主簿東郡程天賜等六十人仰道墳之緬邈悲鴻休之未刊乃相與欽述景行銘之元石以揚非世之美而作頌曰

爰鑒往紀稽覽前徽有賢有聖靡弗應時繇實契媿旦亦協姬於穆鄭公誕叡應期伊昔桓武並美司徒恭惟我君世監祕書三墳尅闡五典允敷文爲辭首學實宗儒德秀時哲望高世族灼灼獨明亭亭孤邈式胄三雍鄒風再燭作岳河兗澤移草木慶靈長發

繼葉傳光君既挺發允亦含章文義襲軌朱紱相望
刊石銘德與日永揚

永平四年歲在辛卯刊上碑在直南卅里天柱山之
陽此下碑也以石好故於此刊之

魏代揚州長史南梁郡太守宜陽子司馬景和
妻墓誌銘

夫人姓孟字敬訓清河人也蓋中散大夫之幼女陳
郡府君之季妹夫人資含章之淑氣廩稟懷叡之奇
風芬芳特出英華秀生婉問河洲鼓鐘千里年十有
七而作嬪於司馬氏自笄辨髮從人檢無違度四德
孔循婦宜純備備奉舅姑以恭孝興名接娣姒以謙

慈作稱。恒寬心靜質。舉成物軌。謹言慎行。動爲人範。斯所謂三宗厲矩。九族承規者矣。又夫人性窈窈字妒。多於容納。敦桃天之宜上。薦小星之逮下。故能慶顯蚤字斯五男三女。出入閨闈。諷誦崇禮。義方之誨。旣形。幽閑之教。亦著。然盡力事上。夫人之懃。夫婦有別。夫人之識。捨惡從善。夫人之志。內宗加密。夫人之恤。姻於外親。夫人之仁。夫人有五器。而加之以躬。檢節用。豈悟天道無知。與善徒言。享年不永。凶菑橫集。春秋卅有二。以延昌二年夏六月甲申朔廿日癸卯。邁疾奄忽。薨於壽春。嗚呼哀哉。粵三年正月庚戌朔十二日辛酉。歸葬於鄉墳河內溫縣溫城之西寔。

以營原興壟竈野成丘故式述清高而爲頌云

穆二夫人乘和誕生蘭蕞蕙粦玉潤金聲令問在室
徽音事庭方孚洪烈範古流名如何不淑早世徂傾
思聞後葉刊石題誠

魏崔敬邕墓誌銘

祖秀才諱殊字敬異

夫人從事中郎趙國李杰女

父雙護中書侍郎冠軍將軍豫州刺史安平敬侯

夫人中書趙國李詵女

魏故持節龍驤將軍督營州諸軍事營州刺史征虜
將軍大中大夫臨青男崔公之墓誌銘

君諱敬邕博陵安平人也。夫其殖姓之始，蓋炎帝之
允。其在隆周，遠祖尚父，實作太師，秉旄鷹揚，尅佐撫
殷。若乃遠源之富，奕世之美，故以備之前冊，不待詳
錄。君即豫州刺史安平敬侯之子，胃積仁之基，累榮
構之峻，特稟清真，少播令譽，然諾之信，著於童孺。瑤
音玉震，聞於弱冠。年廿八而隲華茂實，以響流於京
夏矣。被旨起家，召爲司徒府主簿，納贊槐衡，能和鼎
味。俄而轉尚書都官郎中。時高祖孝文皇帝將改制
創物，大崇革正，復以君兼吏部郎，詮敘彝倫，九流斯
順。太和廿二年春，宣武皇帝副光崇正，妙蘭宮衛，復
以君爲東朝步兵。景明初，丁母憂還家，居喪致毀，幾

於滅性服終朝廷以君膽量凝果善謀好成臨事發
竒前畧無滯徵君拜爲左中郎將大都督中山王刺
史出圍僞義陽城拔凱旋君有協規之効功績隆盛
授龍驤將軍太府少卿臨青男忠勲之稱實綴於茲
永平初聖主以遼海戎夷宣化佇賢肅慎契丹必也
綏接於是除君持節營州刺史將軍如故君軒鑣始
邁聲猷以先麾蓋踐壇而溫膏均被於是殊俗知仁
荒嶠識澤惠液達於逋遐德潤潭於邊服延昌四年
以君清政懷柔宣風自遠徵君爲征虜將軍太中大
夫方授美任而君嬰疾連歲遂以熙平二年十一月
廿一日卒於位縉紳痛惜姻舊咸酸依君績行蒙贈

左將軍濟州刺史加謚曰貞禮也。孤息伯茂銜哀在疚，摧號因訴，泣庭訓之崩，沈淚松楊之以樹洞，抽絕其何言。刊遺德於泉路，其辭曰：

繇哉遐胄，帝炎之緒。爰歷姬初，祖惟尚父。曰周曰漢，榮光繼武。邁德傳輝，儒賢代舉。於穆獻考，誕質含靈。秉仁岳峻，動智淵明。育善以和，獎幹以貞。響發邇丘，翼起槐庭。慶鍾盛世，皇澤遠融。入叅彝敘，出佐邊戎。謀成轅幕，績著軍功。僞城颺偃，蠢境懷風。王恩流賞，作捍東荒。惠沾海服，愛洽遼鄉。天情方渥，蘭爵惟良。如何倉昊，國寶淪光。白楊晦以籠雲，松區杳而煙邃。藐孤叫其崩慙，親賓颺而垂淚。仰層穹而摧號，痛尊

靈之長秘。誌遺德兮何陳。篆幽石兮深燧。嗚呼哀哉。
王漁洋居易錄云。陳崇石爲安平令。掘田壠閒得祖父名爵列碑題之前。

魏故驩驥將軍營州刺史高使君懿侯碑銘

君諱貞字羽真。勃海脩人也。其先蓋帝炎氏之苗。襲昔在黃唐。是爲四嶽。爰逮伯夷。受命於虞舜。曰典朕。爲太師。俾侯齊國。世世勿絕。表乎東海。其公族有高子者。即其氏焉。自茲已降。冠冕繼及。世濟其德。不賈其名。祖左光祿大夫勃海敬公。純嘏所鍾。式誕文昭皇太后。是爲世宗武皇帝之外祖考。安東將軍青州刺史莊公。有行有禮。克荷克構。即文昭皇太后之。

弟二兄也。君稟岐嶷之姿，挺珪璋之質，清暈

字

發於

載卡

字

秀悟表乎齟齬，黃中通理之名。卓爾不羣之

目，固已殊異公族。見稱於匠者，至於孝以事親，則白

華不能比其潔，友于兄弟，則常棣無以方其盛。敬讓

著自閭閻，信義行於邦黨。若夫秉心塞淵，砥礪名教，

伏膺文武，不肅而成。則綴軌於前脩，同頽覲於先達

者矣。雖綺襦紈袴，英華於王許，龍馬流車，陸離於陰

鄧，而不以富貴驕人。必以謙虛業己，是故夷門識慕

蹇步，知歸我德。如風物應如響，弱冠以外戚，令望除

秘書郎，僚驛閣而來儀。瞻石渠而式踐，於是縱容校

文之職，翻飛鷁鷺之閒。容止此而可觀，清風茲焉已

穆既而重離載朗東朝始建杞梓備陳瑤金必剖僉
求其可帝曰尔諧遷太子洗馬夙夜惟夤媚茲儲后
仰敷四德之美式揚三善之功同禁聰坊亡有出其
右也於時六宮無主百姓未繫周爰大邦因踰莘似
以君姊有神表淑問拜爲皇后君戚愈重國愈冲寵
日益權日損由是有少君退讓之風無長淵驕奢之
患故赫赫之望具瞻允集楨幹之期匪朝伊暮而不
幸短命春秋廿有六以延昌三年歲次甲午四月己
卯朔廿六日乙巳遘疾卒於京師二宮悲慟九族悼
傷同位駿奔遐迹必至天子廼詔有司曰故太子洗
馬高貞器業始茂方加榮級而秀穎未實奄彫夏彩

今宅兆有期宜蒙追陟可特贈驪驤將軍營州刺史
以旌威儀其墓上所須悉仰本州營辦臨殯又特給
東園龍輜加謚曰懿凡我僚舊爰及邦人咸以君生
而玉質至美也幼若老成至慧也孝友因心至行也
富貴不驕至謙也君以此終亦以此始烏可廢而不
錄使來者無聞焉廼相與採石名山樹碑墓道其詞
曰

厥緒皇■堯咨四岳周命呂望惟高惟國
世有龍光自茲作氏不賈其芳於鑠光祿饗茲戩馨
穡赫矣安東純嘏斯屬或女或妹匪娥伊僕陟彼昭
陽光我邦族山川降祉餘慶不已敬公之孫莊公之

子如琇如瑩爲山伊始人知其進莫見其止古人有
言膏梁難正於乎我君終和且令牧己謙謙與物無
競孝友因心能久能敬爰始來儀濯纓麟沼翮羽儲
扁其容皎皎方搏九霄載飛載矯天道如何是人
是天生榮死哀禮有加數曷用寵終英英旂輅其人雖
往其風可慕元石一刊清徽永鑄

大代正光四年歲次癸卯管黃鍾六月



碑以嘉慶九年出土星衍始見之移置德州學宮

魏故懷令李君墓誌銘

君諱超字景昇本字景宗後承始族叔在江左者懸
同故避改云秦州隴西郡狄鞬道縣都鄉華風里人

也。雅著高節，敦襲世風，言行足師，興作成准，循情孝友，因心名義。安貧樂道，息詭遇之襟，介然峻特，標確焉之搤，弱冠舉司州秀才，拜奉朝請，除恒農郡冠軍府錄事參軍事，宰沁水縣。巨政崇治，綽居尤最，爲受罪者所誣，誣章憲臺誤聽，被茲深劾，除名爲民。於是廿年中，浮沈閭巷，玉潔金志，卓爾無悶。到熙平二年，甫更從宦，補荊州前將軍騎兵參軍事，復作懷令，已受拜，垂垂述職，遭疾。正光五年八月十八日卒于洛陽縣之永年里宅。時年六十一，孤貞華首，訖於二邑。門從無兩，遠迹酸恨，懷之百姓，長慕喪氣，雖陳留之哀望，胡季叡不是過也。越六年正月丙午朔十六日。

辛酉

案此謂正光六年也其六月始改元孝昌則正月必尚紀正光矣碑書正月丙午朔魏同決無可疑

而

錄劉義叟長文此年梁正丙午朔魏同決無可疑

王氏

葬編遂列爲永安二年不知彼年長魏正癸丑朔與碑所書絕不通也又考司馬景和妻墓誌

銘上

書以延昌二年夏六月甲申朔廿日癸卯下書

所

謂粵三年正月庚戌朔十二日辛酉以其朔求長曆則

之

此碑書年之法正同又一確證也葬洛陽縣覆舟山

東

南元壤難窮陵谷時異刻茲陰石照序光塵

泱

泱顯族斂藁西垂代襲清則沓炳羽儀道妙之門

緒

風屬斯惟祖惟考倜儻瓌竒昌謨迭駕高獲明規

杳

量无隄元契不貲揔循異貫員應紛枝灼灼伊君

山

立淵渟棲真宅正寢繩履程懿鑠爲質醇素用情

均

治禮世氣重財輕亦既從招旁溢鴻聲隨牒出入

密勿力誠爰莅近邑先邁儀形絕交獨坐化動陰冥
尚德貽咎衆實叵蓋拂衽歸來飭轅褊帶恂恂鄉閭
万殊一會優柔善成无小无大垂白再仕汎尔沿流
階倫稍降盛業愈邁遠作後城士女承休鬻鬻頓方
馳盡土悲愁尅節炯言引賞靡徵端恭妄珥家俗虛
膺擢彼圯跡事罕篇繒長源未輸深啜乍卷溢此逸
機空生徒返茲窳易削疇毒難遣楨掬踈竦泉隸房
寒遠孀孤內爛妹弟摧咷式鏤沈石託注幽篆

妻恒農楊氏父談爲邾州主簿息女孟宜年卅六適
恒農王始僕郡中正息女媛姿適遼西常彪侍御史
息女仲妃適武威賈子謠涼州治中息道冲息女婉

華息女倬顏息女四輝息道逸年十六息道栖年十三

魏故假節督齊州諸軍事輔國將軍齊州刺史

高公墓誌銘

君諱湛字子澄勃海滌人勃海滌人也靈根遠秀啓慶兆於渭川芳德遐流宣大風於東海作範百王垂聲萬古者矣故清公勢重鄭伯捐師元卿位尊管仲辭禮皆所以讓哲推賢遠明風軌祖冀州刺史勃海公文照昭武烈望擲中夏惠沾朝野愛結周行考侍中尚書令司徒公英風秀逸隳氣雲馳剡顧帝鄉威流宇縣君稟慶緒於綿基挹餘瀾於海澳幼尚端凝長好文

雅非道弗親唯德是與逍遙儒素之間慕申穆之遺

風徘徊文史之際追牧當作馬之逸藻至於馮昇春灑

翰席席字或非月抽琴邁昔哲以孤遊超時流而獨

遠熙平啓運起家爲司空叅軍事轉揚烈將軍羽林

監天平之始襄城阻命君文武兩兼忠義奮發還城

斬將蠻左同歸朝廷嘉其能縉紳服其義假驪驤將

軍行襄城郡事君著績旣崇賞勞未允尋除使持節

都督南荊州諸軍事鎮軍將軍南荊州刺史於時僞

賊陳慶率掖字攻圍孤城獨守載離寒暑終能剋保

邊隍全怙民境復除大都督行廣州事享年不永春

秋卅三元象元季正月廿四日終於家皇上動哀能

言灑淚。廼有詔曰：故持節都督南荊州諸軍事假鎮軍將軍揚烈將軍員外羽林監行南荊州諸軍事南

荊州刺史當州大都督高子

金石萃編云此碑完善其損者僅詔語中

高子耳

澄之識用開敏氣幹英發擁攝蕃翰誠効剋宣

臨難殉軀奄從非命言命遺績有悼于懷宜申追寵式光往烈可贈假節督齊州諸軍事輔國將軍齊州刺史粵元象二年十月十七日遷葬於故鄉司徒公之塋千秋易往萬古難留故鐫石泉門以彰永久其詞曰

丹蚪降祉姜水載清大人應期命世挺生垂竿起譽罷釣流聲經綸宇宙莫之與京允司下蕃公衡上宰

既顯營丘，復擲東海。四履流芳，五城降綵。繁柯茂葉，
傳華無改。伊宗作輔，忠義是依。清盪昏霧，橫掃塵飛。
日月再朗，六合更暈。碑玉帛斯集，福祿攸歸。仁壽
無遠，積善空施。風酸夏草，霜結春池。崑山墜玉，桂樹
摧枝。悲哉永慕，痛矣離長。當作長離山左金石志
云離長倒書碑末改正

大齊鄉老舉孝義雋脩羅之碑

唯皇肇祚，大齊受命。引軒轅之高宗，紀唐虞之遐統。
應孝義以改物，揚人風以布則。於是緝熙前緒，照顯
上世。雋敬字脩羅，鑽土萇安。食菜勃海，前漢帝臣。雋
不疑公之遺孫，九世祖朗。遷官於魯，遂住洙源。幼傾
乾蔭，唯母偏居。易色承顏，董生未必過其行。守信志

忠投杼豈能着其心。捨田立寺願在菩提。醜味養僧
纓絡匪怪。捨救濟飢寒。傾囊等意。少行忠孝。長在仁
倫。可欽可美。莫復是過。蓋聞詮賢舉德。古今通尚。慝
秀蔽才。雖囊自現。余等鄉老。壹百餘人。目贖其事。豈
容嘿焉。敬刊石立樓。以彰孝義。非但樹名。今世亦勸
後生。義夫節婦。詔令所行。其辭曰。

恭恭易色。免受承顏。孝同曾閔。行比丁蘭。待如握髮。
接若吐瀆。醜味救飢。解褐濟寒。披幽釋古。奉敬如來。
割已施造。傾力捨財。終終報之念。其性可哀。鑄石壹
朝。千代美哉。流芳萬古。迹絕當今。庶勸將來。誰不肅
心。忠孝之外。任世浮沈。絕筆刊功。志畢松林。朱陽再

現相訖南金訪石鏤文永保余心懸宗殞轉放筆留音。

皇建元年歲次庚辰十二月戊寅朔廿日丁酉訖功。

碑以乾隆乙卯年九月得于泗水縣東五十里韓家湖天明寺側。

朱岱林墓誌

北齊朱敬脩

君諱岱林字君山樂陵濕沃人也。自辛朝喪歷昌戶銜書親以建社賢亦啓國扶封於邾公加茅土方曹析壤媿魯稱雄別有由謚立姓因字爲氏斯即去邑從朱蓋是殊方共致卯金則司空佐命當塗即領軍贊業整在晉嗣美表於趙垂名所謂杞梓繼生公侯閒起哲人世挺衣冠代襲曾祖霸儒該上素術盡從

橫魏使持節平州諸軍事安遠將軍平州刺史俗隣
壇場布以威恩酌酒空陳夜金不受於後誘言及樂
讒巧亂鄒儵介鷹揚翻然鵲起擁鄉里三千餘戶來
逝河南值元嘉之末朝多喪亂不獲其賞仍居青州
之樂陵郡祖法宏下帷耽藝閒靜自得舉秀才釋褐
南平王府行叅軍遷尚書祠部郎中禮閣有聲含香
擅美後遷司徒府諮議叅軍事亡贈鴻臚卿父孝祖
清規勝範地美才高俄而魏高祖孝文帝熊羆覓
騁蒼兕爭先化洽江湘令行天下錄竒異於巖藪訪
隱逸於閭閻起家除槃陽縣令轉北海太守流涕孟
侯歌謠稚子從今勤古並駕分駢君膺茲秀氣稟是

淳和三

案山左金石志誤
作王今依拓本改

棘六里方珠比玉左智右

賢擬龍齊鳳得嗟蔡子見重侯相聿始十餘身離艱
苦晨號夕踴柴毀骨立遂使鳩來栖集馬憫芻草精
通飛走擦貫幽明魏廣陵王愛善如蒼好書比德俾
侯南服妙選英佐託以金蘭徵爲國常侍辭不獲已
俛僴從職而侯羸荷盼難交公子介推逃賞終遠晉
文未踰十旬還以病解後彭城王又以皇枝之貴作
牧東秦召爲主簿久而從命王藉甚有素不苦抑遣
終遂干木之心乃申安道之志君雅量之地無際可
尋元昆季弟推之京宦同於得喪等槩榮枯含章韜
綵藏明晦用兄元旭散騎常侍出除南兗州刺史弟

叔業通直散騎常侍左光祿大夫高冠映日長戟陵
風譽滿京華聲馳寓縣縱趙孝之讓禮食曾何足云
魯恭之就平名詎堪方此魏廷慰卿崔光韶侍中賈
思伯並聰敏當世器局擲時結四子七賢之交飲醪
投水之密留連宴熹付寫衿期黃門郎徐紇與君意
得言忘處權居要恒思不次之舉還疑志不可奪醮
言之暇聊申微旨君荅云昔人有以術忤帝或道質
■王譬之鱗羽本乖飛伏而平生庸短未希簪紱如
斯之貺乞不加己紇愛人以禮兼相欽尚從其所好
不敢繫維普泰之季永德不競蒼雲蓋野紫日生天
烏合蟻徒聚三齊之地豎牙鳴角擗十二之險不異

井中虛言聖出何殊轍■妄号神人拔本塞源摧蘭

天挂春秋五十有四遐迹悲噎聞見涕零惟君大度

不羣峻■孤上託宿假道唯仁與義規矩成則物我

兼忘非夷非惠不石不玉惻隱同於子魚友悌侔於

伯雅何忽儋紫山左金石志缺此字今依拓本補山石折智士遽傾以

大齊武平二年歲次辛卯二月乙卯朔六日甲申葬

於百尺里東五里第四子敬脩自惟羅此荼毒眇然

咳幼離竒以生龍鍾而立窮而匡子溫慙閔騫岵山

難陟過庭無訓攜鋤而感言下集冠之禽攀松弗昭

寧降成墳之鳥空追士季瞻像載興傷慟日殫觀狀

益增酸哽磬茲鄙拙式序徽猷思與泣俱文兼涕落

先言多不備述，往行盡是闕如。良由才非作者，情隈
蕪次。從父兄敬範、史君伯第三子，脫畧榮華，不應徵
聘。沉深好古，尤工摛屬。勒銘黃壤，以播清風。辭曰：

本自高門，世資陰德。從來位重，人兼才識。運海鱗奇，

搏搖翅力。繁枝不已，清瀾焉息。其唯祖英毅，唯父深

沈。飛纓鳴玉，作軛垂音。仍生東箭，遂挺南金。素榮俱

美，出處分心。其有應純和，其望餘耀。嵇風阮德，梁遊

大鈞。揔于君子，藝才何劭。闕里儒英，瀨鄉元妙。其道

王天崖，志輕人爵。菊藜危坐，其裘採藥。楚漢兒戲，仁

雄寥廓。我如曾閔，何論許郭。其虛言輔善，實驗無親。

石隄隄既落，儋山亦淪。少微之應，遂屬高人。悲王難序，

痛霍何陳。琪仁厚慶鍾育斯才彥。歷階武日。過庭鯉
盼似鳳方鳴。如龍比絢遺孤在笈。藪焉誰見。琪誰見
伊何慈顏弗覩。朝不食隣人罷祖。比學西河。擬文
東魯。述彪者固情深。陟岵。琪魚山本志。門豹遺風。丹
青已寫。元窆方崇。思人下淚。瞻蓋悲空。山川不易規
猷。詎終。其嗟嗟猶子。瞻儀在昔。荷恩惟訓。依希如覿
頌雅因詩。文託易。追思素道。敬鐫。元石。

北周王通墓誌銘

公諱通。其先太原人也。粵乃仙嶽。含靈毓禎。圖而錫
爵。誓准分淑。應寶錄以開宗。是以三公列而更榮。五
侯封而載錫。自茲厥後。英髦不墜。祖明濟郡中喉舌。

識度冲敏。志業詳確。父增。隨州主簿。鑒履清致。器量
貞邃。公養志中和。資靈上德。趨庭學禮。立身之道。自
⑤步月開襟。讓客之風。已遠。中爲令德。遊藝依仁。賞
逸閒居。不希榮祿。旣而門巢結壘。百年之運。已催。楹
夢起祥。九泉之路。俄涉。春秋六十有三。遘疾。終於私
第。嫡子脩文。脩禮。衰經露節。痛結寒泉。粵以大周天
和二年冬十月。窆於東城縣東五十里崇德鄉平原
禮也。東漸巨壑。波濤混漾。西望層山。烟霞出沒。頌德
音而不朽。感生靈之倏忽。其詞曰。

惟鎬建官。惟唐命職。允文允武。克岐克嶷。開國承家。
禮儀不忒。皇天無親。誕生哲人。樞夜問道。好古日新。

如何不淑奄喪斯文前臨叢薄後眺荒丘風搏素蓋
日慘丹旒庶銘明德永播芳猷

康熙九年秋河間縣東城鎮大水有古墓

衝圯得此碑

大隋車騎秘書郎張君之銘

君諱景畧燕州上谷人漢司徒華之後也帝皇布護
將相蟬聯備諸圖史其可伊述祖驃騎大將軍第一
領民酋長文城公又遷燕州諸軍事燕州刺史考龍
驤將軍諫議大夫奉車都尉行濟安郡太守金鄉侯
君質如披錦文彩煥然器若珪璋光輝朗潤於是弱
齡表異聲振朝野欲止不能遂被徵辟起家爲魏帝
內侍左右尋遷秘書郎優游鳳沼去來麟閣時稱獨

步寔曰無雙。又加車騎大將軍。開皇十一年正月六日。寔不蠲德。奄從運往。春秋六十有八。以其月二十六日。遷窆於相州安陽河北白素曲。未極丞相之年。俄掩將軍之墓。嗚呼哀哉。乃爲銘曰。

昔年慷慨。拖紫垂青。崑山漢水。玉潤珠明。何啻大運。混我賢貞。一辭身世。百代千齡。

玉泉寺智禪師碑

隋皇甫昆

蓋聞乾元資始。三辰著象於天。坤道資生。萬物動行於地。皇王于是建國。賢聖所以垂文。起名教而莫同。制威儀而有別。至於畫卦觀爻。蓋取隨時之象。綜經織緯。通爲政之辭。大禮同和。大樂同節。安上治民。

移風易俗，斯乃生前之事，畧矣。可言死後之問。仲尼弗語，縱使絳雪縈空，元霜拂樹，餌金丹而九轉，吞玉髓而千年乘雲也。駕五色之元龍，遊漢焉，控三山之素鵠，逍遙瑤臺之上，容與珠闕之間，未窺解脫之門，終趣蓋纏之境。唯正覺淵沖，真如妙有，不生不滅，無相無言，隨緣應質，則■■成形，隨類觀音，則因聲亦說，故有白銀千尺之■■金丈六之身，八部般若之文，四種悉檀之義，神通自在，慧力無窮，因導化行，開示悟入，皈依者盡發菩提，迴向焉。普登常樂，是以獼猴建塔，遂生忉利之天，野鴈銜華，復性彌陀之國，豈直日藏沙門，孤遊正道，月光童子，獨見如來，四生因

茲度脫六道藉此超蘇實火宅之高車昏河之大筏
若乃周室昭王之世影奪恆星漢朝明帝之時光夢
如日使旋西域化漸東都寘像南宮申心北面自摩
騰入洛羅什遊秦名教更宏道風斯熾經臺像閣寶
塲香山麗溢巖阿綺盈都邑豈期後魏真君之歲後
周建德之年靈廟一除伽藍再滅形容廢毀文字散
遺響落瓊鐘聲沈寶鐸修禪耆舊卷其舌而不談護
戒先賢改其形而晦影世絕調心之路時虧汲引之
途無出世之津梁失生民之大望我隋皇帝乘乾御
宇握鏡披圖友愛蒼生君臨赤子天地同其大德日
月合其重光鼓之以雷霆運之以風雨除暴亂致太

平張四維朝萬國功成作樂治定制禮正道無爲區
寰有截闢泥洹之路開般若之門宣十二分之經流
四千年之法精勤耆舊捨俗歸僧淨住初童持心秉
戒非直法輪再轉法鼓還鳴四海於是無虞兆民因
而有賴委羽乘毛之國慕風化以來庭靈禽嘉貺之
祥應圖書而萃苑巍巍也非境智之思量蕩蕩乎豈
言談而能盡玉泉寺者基此山焉智顛禪師之卜居
也敕旨正名著額其山崑萼嵯峨崎嶇崩嶷峯疑偃
蓋巒似覆船巨石窮竒之象洪崖譎詭之形岡曲抱
而成垣水縈洄而結乳
閒日月爲之蔽虧霄液由之散聚前瞻江路卻望荆

岑左帶昭上右通巴峽禪師本姓陳氏潁川人也少
稟生知童真剃落從師南嶽蘊道天臺睿智洪才之
響非直播於江南知機妙辨之聲固已聞於河朔皇
帝■子太尉公晉王性稟孝慈情包惻隱能臣能子
匡國匡家蘊神機之智垂汎愛之心布君子之心偃
生民之草往以偽陳納版受律行師策妙指縱威稜
江海遂剋定金陵化平銅柱三吳霧卷百粵塵清師
乃因王利涉王遂因師受戒師至此而投院王奏聞
而起寺於是異域才情之客慕其道而雲臻他鄉鍊
行之僧味其風而雨集師精研道理盡意談元語證
禪支心開定本幽宗博義若挹海而無窮辨句清辭

似懸河而自瀉。居朋之友雖盈量以爭飯。處少之徒從窮崖而莫反。爾乃信心檀越。積善通人。咸施一材。俱投一瓦。憑茲衆力。事若神功。營之不日而成。飾以經時而就。層臺迴閣。複殿連房。寒暑異形。陰陽殊制。雕簷繡栱。與危岫而爭高。鑿礎鐫基。共盤巖而等固。風光出其戶牖。雲霧生其棟梁。華炫耀於金盤。氣芬芳於玉樹。工圖相好。湛若金僊。匠寫眞容。凝如滿月。殿起三層之柱。簾懸自響之鐘。堂開千葉之華。蓮捧飛來之座。燈光不滅。灌海逾明。刹柱俱低。承幡自舉。吉祥柔滑之草。爛熳依庭。送風和氣之香。氤氳滿院。斜通洞穴。直柱凝泉。色似琉璃。味同甘露。波投鼎鼎。

浪瀉陞堂飲腹消疴洗軀愈疾石柱銅梁之狀影如
蓮池桃源菊浦之華香浮柰苑可謂山類耆閤寺同
離越似龍宮而出見疑鹿野以飛來竊以前王鑿鼎
惟論體國之功今共刊碑永記菩提之道余任宰屬
城寺居所部文雖寫意書不盡言其詞曰

二儀開廓四氣氤氲方以類聚物以羣分通賢通聖
明后明君隨機設教觀化垂文樂章既造禮儀方制
定此親疏決茲疑滯披圖辨物屬辭明例唯化一生
不論三世元都玉簡紫闕銀經解尸遺骨飲液吞精
乘龍萬紀控鶴千齡終非實相猶是塵情唯有大雄
湛然常住不生不滅無來無去千門妙旨一音演論

度脫衆生。涅槃雙樹。夢通劉后。感應姬王。恒星掩耀。
滿月澄光。寫形東國。指聖西方。慈悲願海。善逝津梁。
法顯還晉。摩騰入洛。花散經臺。香流像閣。釋教鬱起。
桑門盛作。露泣珠幡。風吟寶鐸。真君建德。運鍾滅道。
淪沒四生。毀除三寶。我皇啓聖。德侔蒼昊。妙法更宏。
真儀再造。陳氏僭號。王赫斯征。勾吳霧捲。閩越廓清。
因逢智者。延謁山庭。珠生浮漢。玉出荆華。峯嶧屹
石洞淵懸。芬芳菊浦。滴瀝瓊泉。盤渦似谷。覆嶺疑船。
來儀晏坐。觸地蕭然。妙辨悉檀。深窮般若。緇素雲會。
挹其河瀉。或施之材。或投之瓦。經始不日。翻成大廈。
更起龍宮。還閣鹿野。山連紫蓋。江抱黃牛。西臨月峽。

東接昭丘春牕夏牖水殿山樓旃檀圍繞琳碧還周
塵吐芙蓉龕懸石鏡白毫相好紺髮輝映銀鷲徘徊
錦鱗游泳騰猴心靜怖鷄影定猗歟哲王命也蕃屏
自天生德孝誠俱秉旦奭非儔閒平詎并出總連鑿
入調鐘鼎構此伽藍實資力請魔殿巉巉須彌鬱律
倏覩刼終俄看燒訖豈如彼岸生死皆出金石不朽
天地可畢鐫勒巖阿永垂懋實

續古文苑卷第十六

續古文苑卷第十七

賜進士及第授通奉大夫山東通省督糧道加三級孫星衍撰

碑志三

大唐左屯衛將軍姜行本勒石紀功碑

昔凶奴不滅竇將軍勒燕山之功聞越未清馬伏波樹銅柱之迹然則振英風於絕域申壯節於異方莫不騰茂實於千秋播芳猷於萬古者乎大唐德合二儀道高五帝握金鏡以朝萬國調玉燭以馭兆民濟濟衣冠煌煌禮樂車書順軌扶桑之表俱同仁化所占濛汜之鄉咸暨苑天山而池瀟海內北戶以靜幽都莫不解辨髮於藁街改左衽於夷俗高昌國者乃

是兩漢屯田之壁遺兵之所居。麴文泰即其苗裔也。往因晉室多難，羣雄競馳中原，乏主邊隅，遂隔閒屆。戎狄竊號稱王，歷至今靡聲教。自皇威遠被，稽顙來庭，雖沐仁風，情懷首鼠，杜遠方之職貢，阻重譯之往來，肆豺狼之心，起蜂蠆之毒。黎庶賊殺無已，聖上愍彼蒼生，申茲弔伐，乃詔使持節光祿大夫、吏部尚書、上柱國、陳國公侯君集，交河道行軍大總管、副總管左屯衛大將軍、上柱國、永安郡開國公薛萬均，副總管左屯衛將軍、上柱國、通川縣開國男姜行本等，爰整三軍，龔行天罰，但妖氛未殄，將軍逞七縱之威，百雉作固，英竒申九攻之畧，以通川公深謀

開出妙思縱橫命■前軍營造攻具乃統沙州刺史
上柱國望都縣開國侯劉德敏右監門中郎將上柱
國淮安縣開國公衡智錫右屯衛中郎將上柱國富
陽縣開國伯屈昉左武侯郎將李海岸前開州刺史
時德衡右監門府長王進威等並率梟雄鼓行而進
以貞觀十四年五月十日師次伊吾時羅漫山北登
黑紺所未盈旬月克成奇功伐木則山林殫盡叱咤
則川谷蕩薄衝梯蹙■百■冰釋機檜一發千石雲
飛墨翟之拒無施公輸之妙詎比大總管運籌幃幟
繼以中軍鐵騎亘原野金鼓動天地高旗蔽日長戟
彗雲自秦漢出師未有如斯之盛也班定遠之通西

域故迹罕存鄭都護之滅車師空聞前史雄圖世著
彼獨何人乃勒石紀功傳諸不朽其詞曰

於赫大唐受天明命化齊得一功無與競荒服猶阻
夷居不定乃拜將軍殄茲梟鏡其六奇思羣雄逞
力陣開龍騰營麗星光旗明日色揚旌塞
表振威西極其峨峨峻嶺眇眇平原塞雲暝結胡風
晝昏高樹銘功讚德

貞觀十四年歲次庚子六月丁卯朔廿五日辛卯立
瓜州司法參軍河內司馬

碧落觀碑

唐李訓

有唐五十三祀龍集敦祥哀子李訓誼譔謀銜恤在

疾寘懷靡所永言復

鄭釋

德思樹良因敬立大道天

尊及

鄭釋

侍真像粵若稽古藐覲遂初真宰貞乎得

一混成表於沖用元之又元蹟超言象之域惟恍惟

惚理冥視聽之端是以峒山順風勞乎靡索汾陽馭

鄭釋

辯窅然自喪曠矣哉道之韞也其寄於寥廓之

場焉至於玉笈宣徽琅函吐祕方壺神闕蒙穀靈遊

倏忽九陔導飛廉而從敦圉俯仰六合戴列星而乘

雲氣固亦昭章逸軌肸嚮孤風淳化其瞭幽契無爽

伏以先妃含貞載德克懋瓊

潛研堂跋

儀延慶台華

正位藩閫動容資於典禮發言光乎箴訓故紘縱是

肅粲盛無違大當叶曜中閨以睦况倚閭分甘之澤

徒居側眄之規義越人倫恩深振古重以凝神道域

抗志澄源淮館儀僊操山鄭釋鴻寶之靈術楚壇敷教

暢微言之盛範儒元兼洞真俗兩該德冠母儀事高

嬪則豈圖昊天不惠積善無徵咎罰奄鍾荼蓼俄集

訓等痛纏過隙感切風枝泣血攀號自祈鄭釋眞殞

祇奉嚴訓慈鄭釋勉備隆偷存視息遄移氣序几筵

寂寞瞻望長違創巨徒深寄哀何地所以貪及鄭釋

餘漏祈福元宗敬寫眞容庶幾終古而土木非可久

之致鎔鑄爲誨盜之先肅奉冲規圖輝貞質晬容倣

鄭釋穆元儀有煒金眞摛耀疑金闕之易奔琳華揚

彩若琳房之可覲霓裳交映鄭釋駕其留帝晨飾

翠雲之宅

美鄭釋

香童散朱陵之馥載彫爰鞞式展

四

祈以此勝因上資神理伏願栖真碧落飛步黃庭謁

羣帝於天關攜列仙於雲路融心懸解宅美希夷位

鄭釋

儀鄰以同

鄭釋

與指乾坤而齊極介茲多祉藩

度惟隆如山作固永播熊章之祿

鄭釋

循陔自

申烏鳥之志孔明在鑒匪曰道遐昌言嗥

潛研堂跋

尾釋作叫

闡庶其

鄭釋

無拔昔人銜哀罔極鉛槧騰聲柔疑

鄭釋

紛克劭義切張憑之誅至德興思痛深陸機之賦況

清輝懋範宛若前蹤瞻言景行敢忘刊紀餘魂弱喘

情不逮文謹託真猷直書心事音儀日遠風烈空傳

敏

鄭釋

心感慕終天何及

此碑有咸通十一年鄭承

復

正數字

承

唐宋州司法田君墓誌銘

君諱宏敏其先北平人也自虞承帝錄派媯汭之神宗陳恒制齊遂開國而爲姓若乃錫土隆家之美贊玉帛於紉圖陳規獻策之謀著英猷於寶牒祖由玉山齊映瓊萼流芳器纍珪璋質懷杞梓韞劉龍之英美躍管驥之高衢彩匣韜輝金章絕韻詞林振穎筆海浮瀾秀氣烟高靈規聳見貞風槩俗勁節澄襟被揚歷而見徵應翹車而入聘隨章武郡功曹父恭藍田孕質驪穴騰輝志岸冲清器該博物雄材雋狀巨孔仞以逾高雅度汪深湛黃陂而彌浚名馳刈楚德洽重筵隨高陽縣尉君英靈迴秀壯志遐

韞雄

圖蘭風特振貞明絕俗雅道淹通藻駕雕龍聲充振
鷺清辭雄辨陵鄴子之卿膺逸氣高談鄙蘇張之緩
頰洞該物務統六隧於周邦備曉公方館四人於鄉
邑旣而莫楹邁孽夢豎延凶寢疾彌留俄傾薤露以
永淳元年九月十二日歿於私第春秋六十有四豈
謂胤谿掩耀悲隙影之無留積玉沉輝泣清川之永
謝以■■元年正月二十二日遷窆於任丘縣西南
五里本鄉禮也其地東連博陵西叩金堤膏腴控其
前平林亘其後嗣子務仙嗣孫神傑神冲承族等櫻
蓼莪之巨痛陟霧岵而長號扳罔極之哀荒抱霜荼
而永泣恐以炎飛岱嶺庶梓域之長存岸谷遠遷冀

松區之尚在其詞曰。

承芳軒胄分裳陳成建邦啓土代襲英聲降生明哲
雋又馳名高軌運流景命乃傾誅生前之茂績刻嘉
號於泉局。

大唐懷州河內縣木澗魏夫人祠碑銘并序

唐路敬淳

蓋聞元圃青宮仙客於焉來往丹丘紫府羽人之所
棲集微祕錄於淮王時逢八老採神竒於魏帝取覲
雙童子喬控翮翱翔赤霄之上琴高擾鱗游泳涿波
之下斯並心符寂養神契窈窕匪塵俗之能羈簪纓
之所屈者矣茲有鮫容雅質貞規淑態韞真氣於閨

房挺仙才於閩。闕嫦娥採藥奔月。屈以含精靈媛。投壺睚電光而吐耀。漢皋游女持珠對南國之賓。洛浦神妃鳴玉俟東藩之后。莫不名芬紫翠。道標黃白。列真非一。往往致焉。魏夫人者。即是晉劇陽侯任城魏陽元之女也。本傳曰。夫人年二十四。適南劉幼彥。幼彥爲修武令。善爲德政。仁風惠著。時夫人隨在修武之館焉。雖魏同舍縣內。常齋于別寢。季冬之月。夜半聞空中有鍾鼓笳簫之聲。羽旂光耀。降夫人之靜室。輦輦被服。非人所聞。見有四真人告夫人曰。大帝勅我來教子以神真之道。注子於玉札。應爲紫虛元君。上真司命。名山之號。封南岳夫人。後爲洛陽山成真。

人因爲立祠土俗號阿夫神原夫鎬京疏社公高克
勤於小物參墟命族畢萬連休於大名丞相之匡翌
漢庭比蹤蕭邴司空之弼諧晉室方譽裴山積德攸
鍾餘慶斯在况復彤雲授彩衍豐谷之靈苗白水開
源導春陵之茂族乘龍合好鳴鳳于飛結大義於絲
蘿諧佳音於琴瑟劉氏絃歌作吏同墨臨人惟彼外
持爰資內輔服勤慕組良毗製錦之工肅事蘋蘩且
佐烹鮮之術猶以爲六法四行豈離夢幻之場九轉
三仙方出塵勞之境朱庭翠閣事甚樊籠元鬢紅顏
理同泡沫於是撥煩疏躓練志凝魂潔成道室之階
列竟師門之宇悠悠永夕紫煙昇而庭院虛凜凜窮

陰(元)霜冽而池館靜。乃有仙鍾簇韻。如發漢鯨。法鼓揚音。似棲吳鶴。簫聲寥亮。仍符弄玉之臺。笳奏淒清。有異文姬之殿。綠輶朱節。真衛相趨。霞佩雲裙。仙儀在列。昔安公之冶。叶冥契於昇龍。木羽之鄉。應祥期於御馬。眷茲(元)感異。代同符。故能迴驚。三清。高超八會。持法印而含元氣。合真符而昇太極。金記五千。職隸九(元)之史。玉言十萬。名彰八素之書。足使上元夫人。憇其嘉号。(元)妙玉女。媿其芳聲。豈與夫障日至山。薦枕席而通窳。順風江澳。懷環珮而申贈。復有躍魚。酬惠愛鳥。遺灾清溪白岸之姑。阮氏絃生之儷。若斯而已矣。夫以王母既集。西漢列其霄筵。帝子斯臻。北

渚歌其夕漲。是用恢勝宇。創祠壇。想希夷。其若存。庶
恍忽。其無昧。建立之始。年代莫詳。爾其周晉名區。覃
懷輿壤。蘇子攢茅之域。寇君剖竹之郊。孟津南注。控
河流於馬頰。太行北指。啓山路於羊腸。川原相屬。風
煙交會。鬱彼仙觀。揭焉中立。綵之以丹青。陳之以藻
繪。效靈妃之啓齒。圖殷女之練色。行亭三襲。俯瞰川
湄。茅攔四注。却連山阜。巨石崔嵬。像蓮峯而特秀。奔
泉澌洒。瀉松澗以飛湍。微靄觸而流津。清飈激而成
韻。瓊桃仙棗。散綠垂紅。珠實金條。含紺佩紫。八林芳
桂。凌冬霰以揚葩。五株仙杏。負春晞而布葉。莫不夾
戶蘿生。垂簷接蔭。可以返魂駐寄。忘憂愈疾。至若吉

日良辰高人勝士黃冠紫綬忘貴賤而同歸白屋朱
門混榮枯而畢萃敬而不黷誠稟訓於懷柔感而遂
通諒虔心於正直於是採蔬東海折菓西山傾玉酒
而泛流霞酌金漿而挹甘露神交妙有想白鳳之來
儀道契虛無佇黃雀之爲使丹梯可躡必超上漢之
■練馭斯■越無生之浪誠洞真之苑園靈寶之
區域者焉秋官尚書檢校懷州刺史南陽鄧府君道
光天爵慶發地靈蹠泰階而高視寔搢天而騁力題
劍昇朝秉形之寄攸重佩金增秩仰福之任逾隆長
史隴西李知人司馬南陽鄧指河內縣令鉅鹿耿仁
惠或展驥亨衢化康邦國或割鷄遊刃功茂邑民思

靜力於迴天獸勞生於寂地識明元扎跡寄道樞半
判毗藩則晨趨飛其鶴嶺一同作宰則元會降其鳧
爲每慮陽軼再旬具虔馨於斯谷陰衢潔朔薦行潦
於茲變縣令仁惠稟氣孝恭祭則神饗天然感物祈
必靈歆所請甘霖未迴車而降澤但求膏液迎舉意
以零滋彌媿神之厚恩故勒銘而旌德而碧落清窗
顯在百城之次椒庭桂門近臨千室之中瞻石梁而
靡闕仰瑤臺而何遠夫降仙成宅西岳紀桓譚之賦
尋真起詠南溪聞郭璞之詩是以輕率下民仰追前
列寄諸貞珎題其頌云

畢筮初占係復其始甯門有相錫膺廟美珠胎孕寶

玉仙昭祉寔唯靈媛作嬪君子取譬鸞鳳言邊魴鯉
早明八素夙悟三元呪神爭術宸蓬募仙紫書題記
白簡開編斲遊芝圃倏見華田輕飛起月高訓垂煙
戒遵靈壇載規神宇却倚巖壁前臨澗浦偃蹇雲棟
清冷風戶怪石竒木鳴蟲嘯羽居茲地聖坐同天柱
瀆妃去魏弄女辭秦陽臺之下暮雨稱神洛川之側
朝霞韞真窈窕高蹈寥廓上賓思道業用迷微塵
大唐垂拱四年正月五日建文館學士路敬淳製
勝果院僧從謙書

大唐故朝議郎行澤王府主簿上柱國梁府君
并夫人唐氏墓誌銘并序 唐梁朱賓

君諱寺，字師暎，雍州藍田人也。丕承帝緒，自雍墟而
逮夏陽，克勤王家，由安定而宅京兆，其如葛氏昆季
列於三方，有類林家昭穆，光乎十德。至若衣冠禮樂
之盛，烈廉孝賢良之儀表，固以烏奔當代，昭彰季葉
者乎。曾祖遵，周秦州清水縣令。遽賒相用，勞逸兼資。
重泉之磬，載昌單父之琴。斯洽祖殊，隋監門錄事參
軍。德以潤身，學以從政。八屯由其式序，五校於是克
隆。父柱，皇朝奉義郎騎都尉，識量夷雅，風神耿介。青
田表秀，丹穴摘祥。進而不榮，安乎散列。退而不野，鄰
乎湫隘。君承積善之餘祉，挺生人之上姿。因心而好
孔墨，抗跡而齊曾閔。縱王佐之奇表，揚于王庭。屈公

輔之宏量薄遊公府咸亨四年授文林郎班例也日
者東風爽候西旅不庭三軍乏坐甲之資七萃興懸
磬之歎君散陶凝慮指困推誠躬親餽餼之勞式周
儲峙之務恕己及物下布人謠憂國忘家上紆帝念
永隆二年恩詔授上柱國道光西漢已極武功之尊
名冠南荆竟保昭陽之貴既而上僊興慕下代纏哀
梁山降白鶴之祥畢陌啓青烏之兆君悲深考逝義
切子來茂績顯於園塋豐功徹乎旒辰垂拱元年授
朝議郎行澤王府主簿以枚馬之英規偶閒平之上
邳英風扇乎蘭坂茂躅隆乎桂山東閣由是希聲西
園以之藉甚豈期攝生謬理與善失常西山何高未

接仙童之羽南溟尚遠翻墜化鵬之翼以垂拱四年
十月五日終於長安懷德里第春秋卅有一夫人晉
昌唐氏名惠兒後魏驍騎將軍本郡守契之七葉孫
即故司農寺長樂監敏之第二女也巫山降祉巽位
擢精挺琬琰以成姿懷冰霰以清慮慕組織維之務
早擅女工幽閑婉孌之規夙彰婦德恭謙娣姒宗族
所以推先肅事舅姑閨門由其作訓將以鷓驂並鷺
常接影於仙樓不意龍劍雙沉竟連形於寶匣以垂
拱四年九月廿七日終於長壽里第春秋卅有六粵
以其年十一月十七日合葬于終南山楸梓谷口隋
信行禪師林側倍大父錄事參軍之舊塋由夙志也

惟君器周大雅。德備中和。敏殫衆藝。好兼靈迹。牟子博之異錄。動息會其情。虞孝敬之竒記。俯仰該其術。黃金積釜。鎮寫真容。白玉成田。併開精舍。夫人亦凝心貝葉。屬思曇花。幼彰龍女之功。長契勝髻之德。婉茲嘉偶。咸借慶於一乘。倬彼好仇。並歸神於八正。其子景先等。以爲形資業起。業立則形存。化以緣生。緣亡則化息。履霜增感。豈若奉於遺音。聞雷警慕。固可說於真侶。式崇寶構。虔考勝因。寄篆刻於幽埏。庶飛芳於奪里。其詞曰。

霸秦支子。始國于梁。帝堯景胄。必復其唐。易代載德。繼軌傳芳。雅符秦晉。信叶潘楊。其於惟君子。夙承家

慶顯允夫人早標門令笙簧其德黼藻其性問望備
隆容工兼盛其二身由業立果乃因成共資有相並證
無生八正凝想七覺馳情德踰善德名蓋淨名其三積
善方融輔仁無准始驚炭折俄看薪盡悲哉則豹騎
連翔痛矣則螭軒接軌門庭兮簫索墟落兮淒緊四
哀哀鞠子感感遺孤共詳勝地式奉先墓構曾臺於
翠阜刻貞石於黃墟山山兮五塔往往兮真徒五

四品孫義陽朱賓撰文五品孫滎陽鄭莊書

大唐故右虞候副率檢校左領軍衛將軍上柱

國乙速孤府君碑銘并序 唐苗神客

天地之大德曰生聖人之大寶曰位生不可以無宰

俟有道以存之位不可以無寄。俟有德以尊之。故荆極剖天。張維闢寓。大君有作。俯而乘雲。多士聿興。仰登山而捧日。可久可大。闡洪業於非常。立德立功。垂大名於不朽。存而爲一時之傑。歿而爲百代之英。爰有異人。今可得而聞矣。公諱神慶。字昭祐。其先王氏。太原人也。昔房以天戈耀象。六英聞鳳舞之祥。后羿以星袂興農。萬里厝鸞歌之域。帝圖克峻。王道攸歸。周德方隆。翦商以光其業。齊功可遂。敗狄而有其勲。官族著乎天下。統緒傾乎海內。五代祖顯。後魏拜驃騎大將軍。偉德挺生。稟嵩岱之精魄。洪川派別。洩江海之波瀾。倚拔千仞。盤紆九野。遂賜姓爲乙

速孤氏始爲京兆醴泉人焉。有命承家代功居寵。然後以周畿委輅奉春。異鍾鼎之門。漢殿乘軒。田秋匪珪璋之操。言其榮闕故無得而傳之。曾祖貴。齊右衛大將軍儀同三司使持節都督岐州諸軍事。岐州刺史。周上開府儀同三司。肯附大夫。隨河州諸軍事。河州刺史。河州摠管。太子右庶子。和仁。郡開國公。祖安。齊前鋒都督。周右武侯。右六府驃騎將軍。開府儀同三司使持節。葺州諸軍事。葺州刺史。隨益州都督。襲封和仁。郡開國公。拜前拜後。惟昭。惟穆。咸以忠貞之操。並資文武之才。終始一心。雖百君而每合。出入三代。居八命而逾隆。父晟。皇朝上開府右武侯。右廿府

左車騎將軍轉驃騎將軍令緒逾崇高門克大岳靈
鳳德紹賢慈以相趨河目龜文識公侯而繼出公山
資海授星傑雷英跨俗騰彩驚時駭矚雖仲連飛鬼
追日電以長鳴而諸葛臥龍候風雲而戢景俄屬龍
鼉架海援鶴凌江黃神吟而寓縣分素靈歎而區域
震高祖神堯皇帝開天躡步翼日騰精偃橫流於九
海蕩洪氛於八極雲雷憤薄興於晉水之湄天地氣
蘊闢於渭川之涘于時邑居幅裂豪俊棊分鵲起逢
時之心寰中旣擾烏止于誰之室寓內攸瞻公乃蓄
悟井之深幾載驅驪鼻知躍泉之秘蹟言訪龍田獄
訟歸禹不忘於寤寐歌舞迎周獨斷於襟抱以義寧

之始乃奉見於涇陽初蒙恩命預叅秦府從平京邑授通議大夫賜物六十段戎章克峻雖策勲而既重國圖伊始以門胄而方榮乃取祖萇州府君之資任右親衛于時雖地開金策翦鷄甸而斯安而池阻玉華亂雞津而未靜公於是奉陪八校薄伐三川從討王充破青城堡賜物二百段并袍衫牛等加勲大將軍武德元年又征薛舉二年復破武周神兵四舉每推亡於後服英圖百勝必賈勇於先登時宋金剛尚憑地險更勞天伐公乃因機有捷燭雲火之高輝應變無方刊風灰之遠陣平寇之後蒙賜馬及金鞶絲物百段王充以巨猾窺豐假位號於成周建德以大

盜因時竊仁義於全趙恃連雞之援以阻危邦託刑
馬之盟方爲與國大宗乃韜龍豹旅貔貅黃鉞排天
朱旗斷霧沸洛川而憤角震嵩巖而疊鼓王充以迭
食爲命不移蚤駟之心建德以弱甲相依無舛螳螂
之衛公乃懷竒請奮受命長駟破王充千金堡并從
擒建德預軒勝於元符奉堯績於丹浦燕趙俄獲蚌
爲脯而無遺虞虢終亡馬服輿而不失加勲柱國賜
物二百段劉黑闥擁銅馬之餘孽氣蘊圖南阻金鳳
之長川兵雄趙北公乃從平清漳洛水二因遂俘
之授上柱國賜并口馬等綵物一百五十段
粵以超時之効恒當不次之恩滿寵受田殊非異賞

李忠錫馬遂多慙色尋又從破徐員朗復著奇勲既而聖情載洽念功勞特蒙賜用表深榮太宗以(元)雲入戶未改唐侯之爵白水開錢猶踐蕭王之號秦王府妙資左右公以良家首辟令長上仍賜大袍既而飛鷁侵長虹竭井雖域中四大正西北之傾維而天下一家有東南之反氣太宗乃殄茲方命殲厥流言推大義以龔行(宏)至公而克翦公以九年六月四日載靜姦回因而侍衛十旬不出既而汾陽脫屣代邳承祧高鳥盡而藏弓歸獸存而去戰公乃方從挾策且欣囊矢結墳籍而爲畧驅禮義以爲禽然以七德攸歸五營斯佇方始執鞭之任式隆初簣

之基以貞觀五年授右衛勳衛

七年賜絹一百疋八年授右勳衛校尉公以懷

才樂道緯武經文學而時習顛沛必於函丈功成不
居終始存乎退尺每策勲而命賞常後已而先人所
以幽谷非遷望喬木而韜響澠池徒奮坐大樹而銷
聲雖薄遊之志每深而厚祿之期終及十年蒙授游
擊將軍守左領軍長春府別將仍於永豐倉留守
佳兵七萃左帶皇畿教庾千箱傍臨陝服正壘壁其
斯重瞻海陵其已陋聿兼其任隆寄存焉十二年以
璇極西傾玉鸞東警皇輿帝阜肅龍駕於風雲天動
神行揚鳳旗於日月董司戎禁載佇忠賢車駕自東

都還京。乃勅公檢校右衛勳上府郎將。十七年。以震
宮養德。乾心佇■。乃■詔曰。公官公志懷強濟。計畧
沈遠。勞効著於戎旅。恪勤宣於階闈。宜加榮擢。周衛
儲闈。可守太子右衛率府勳衛郎將。於是青闈振景。
絳地增暉。招搖之桂。連芳共■。蒼琅之竹。比節同■。
十九年。馬邑慙職。無踰於驟山之義。龍顏憑怒。有事
於遼水之陽。驚雷輜於碣石。洗天兵於海島。時高宗
天皇大帝。銅樓毓粹。玉裕流溫。雖義在懸弓。宜扈於
擒縱。而時方主鬯。實資於監撫。乃■州留守。命公
等■奉儲闈。廿年。丁驟騎府君憂。去職。還輟。趨巷。偏
悲陟岵。絕漿九日。已摧唐頌之心。茹痛三年。每泣高

柴之血廿三年詔授太子右衛率府翊衛郎將犀鈎
在飾鶴登榮抑禮援琴仍奉樂風之韻踰暮改燧
更承重日之輝既而龍躍在天正銀題於紫極鴻飛
漸陸振玉羽於元霄高宗即位之後授右衛中郎將
永徽三年除守右驍衛翊衛中郎將張奐坐帷奮雄
邊之遠畧馬卿建節馳喻蜀之高文才宦雙美括囊
千載五年詔守太子右虞候副率尋加兼太子右虞
候副率徐邈授經之彥師表攸存下敦良將之才閑
邪是屬公之授也斯實兼焉俄屬六麟徐駕御西京
之霧雨五牛遐拂俯東洛之風煙鈎陳旣委英賢是
賴駕幸東都之日檢校左領軍衛將軍尋又駕幸

衛將軍仍知六閑馬事温驪籥景戴於雪谷瑞
生風銜珠耀於井職無不理帝有嘉焉俄又兼
太子右衛率系惟行秩寔茲以建功
茂仲以主門興績瞻言故實英尚斯途公以儔之則
爲優矣方冀有仁必壽有壽必隆而位未極於鈞璜
問望周之浦齒不延於練玉遽頽觀魯之峯以顯
慶五年八月廿四日邁疾於之
第春秋六十有二冕旒興悼哀榮兼極勅書垂慰
贈贈逾隆詔問嗣子行儼等并賜物二百段粵以龍
朔元年歲次癸亥二月戊午朔十九日巽時潛研堂
金石跋

尾云癸亥乃龍朔三年非元年也又以通鑑目錄考
之龍朔元年二月丙寅朔三年二月乙酉朔俱非戊
午朔碑版之文所紀年月宜得其真而抵牾如永曆
此殊不可解然此碑決非後人所能偽作也
於雍州醴泉縣履中川以從先王禮也惟公降象辰
緯誕靈川岳德光寶璧舒白氣以成虹才苞利器橫
紫氛而射斗昔在髫髻初即踰常類巍然殊狀如旭日
之吐青山湛乎深識若明月之含碧海克岐日就至
性天成教以義方則行之靡失趨而有訓則奉以無
違承顏必當於隱犯知年每形於喜懼不愆于德瞻
梓無以措其微未嘗有過折捶無以申其罰泊乎歷
丁艱疚殆不勝喪在驃騎府君之憂公時已班隆貴
屢將毀滅痛深朝野于時乃有巢鷦乳于倚廬觀聽

嗟■古今攸絕豈止許攷永慕栖鷓翟於虛檐丁密
窮哀■翔鳧於■沼若斯而已矣加以友于成性
愛爲懷共駕無睽屢極鍾輿之■同衾有慰每追姜
室之歡兄弟數人公爲其長居上斯睦撫下以仁鞞
鞞增映怡怡可樂其後五門將闢三荆遽慘公乃責
深自箠悲共氣而無終訓切在原泣分形而有異雖
同胞竟阻王脩之喻罕遵而推產不干卜式之資未
給公以鼎貴餘業財踰巨萬一無所取咸以讓焉遐
邇嗟伏宗姻駭歎公以幼承教義早聞詩禮德思潤
已學尚專門俄屬有隨蕩覆生人殄喪鄙書劍而事
干戈弃俎豆而脩軍旅故得藝殫弧矢精極韜鈴戟

枝揚葉窮取睽之妙。金匱玉堂盡殫戎之術。所以革車每次大憇。斯殲慮靡遺策。兵無挫銳。非以賞而邀利。寧以功而自伐。然則因時命律。積稔論兵。受而莫違。當厚惠而居百夫之長。推而不有。委榮名而辭万户之侯。卓矣高蹤。魯連豈唯於蹈海。安乎卑位。曷藉遂勞於執戟。大雅君子。斯之謂焉。子國子明經高第。朝請大夫。行綿州司馬。行儼寧遠將軍。守岐陽府長上折衝行均游擊將軍。守甘泉府左果毅都尉。行方等。或傳經綜業。或良弓嗣美。誠在孝而斯勇。寔致果而爲雄。仁者安仁。心無昧於觀行。將門有將。理不差於必復。旣而匪莪嬰酷。悴柏纏哀。攀蠹索而增慕。循

鑿楹而載感於是乃與昆季聚族興言以爲陵谷難恃風猷易絕雲臺入畫莫究遺芳天祿藏書方成蠹簡欲垂不刊之跡必存無媿之詞於是爰勒他山用旌斯烈無使波空渤澥識墮淚於千齡麓徙琅琊傳受辛於萬古其詞曰

立功立德惟武惟文銘戈著範勒鼎昭勲名懸日月氣凜風雲誰其克紹卓矣夫君緒派伊笙望隆淮筮肇錫宦族即榮昌囊袞服有輝旗章靡替明明斯謀高門是繼英英亮狀灼灼瑰竒不憊于道無忒其儀光含巨闕彩振長離公山比驥呂望非羸運屬時屯道叅人傑鵬圖鳳舉雲迴風烈濟水秦亡登山趙滅

功成百勝途夷九折已建宏勲俄膺懋寵期門甫陟
羽林初奉帝庾斯衛儲兵載擁寓省才高司階位重
官連四率望越五營聲芳漢將氣表周楨未登台室
遽掩佳城哀纏國寶痛結人英樹慄王哀松凋許泣
九泉長送百身何及鶴兆方兼烏墳永戢山秋月思
野寒風急傳鈞令緒待漏英才蘭期奄隔楸思俄開
圖芳隧路紀德泉臺九原徽烈萬古風埃

大唐

二年歲次庚寅二月戊申朔十九日景寅立朝
散大夫守著作郎^宏文館學士兼修國史上柱國濟
南縣開國男苗神客撰淨普寺釋行滿書

此碑下截
缺字餘亦

漫漶舊醴泉志

已云存二千五百餘字

今據舊拓

得八九勝于王氏萃編所載為多矣

大周無上孝明高皇后碑銘

并序

唐武三思

惡詎聞二儀合德中黃承太紫之庭兩曜齊明玉兔儷
金烏之象是以九霄高映○躔躔垂婺女之精十野傍
羅媯水叶娥皇之德亦有西陵美族軒帝之宮
南土嘉媒入娉夏王之幄其後大任端一即創文基
大妣勤勞還開武運故知皇三事業咸資坤肅職之
功帝五風謠必藉陰靈之化無上孝明高皇后宏農
仙掌至孰也出自有周蓋唐叔虞之後原夫赤烏
流火丹雀銜書初開夢梓之祥旋茂翦桐之業自
唐郊徙邑晉野裁封即胙土而有家啓禎符而得姓
周則志爲大將承九代之餘資秦則款爲上卿居七

城之重任。豈直十王丹轂金葦鳥弈於都畿。四代白
環玉緒蟬聯於海縣。子雲博識吐鳳摛詞。伯起高材
銜鱣襲祉。誕璽韉不墜。降靈相屬。神基與紫嶽爭高。
仙派共黃河俱遠。所以山隆鐘鼎。堊穉積衣冠。五公
則異代相傳。八子則殊牽字。閒出詳諸國。史可畧
而言。曾祖諱定。後魏都督。歷新興太原二郡太守。并
州刺史。晉昌穆侯。宏材卓犖。峻局深沈。丹山有象。②日
之彩。綠堊見遺風之步。褰帷按俗。風行馭竹之郊。露
冕臨王。化偃焚林之阜。豈直鄧攸罷郡。深歎雞鳴。劉寵
辭官。方憂犬吠。祖諱紹。後魏征西將軍。金紫光祿大
夫。兼通直散騎常侍。驃騎大將軍。周開府儀同三司。

封儻城郡公。鄜豳燕三州刺史。贈使持節大將軍。成文扶鄧洮五州諸軍事。成州刺史。謚曰信。聲飛漸陸。響晉逸鳴臯。器重南金。材橫東箭。謀深八陣。勇冠三軍。既隆投石之勲。果踐銜珠之秩。加以金龜結紐。銅虎分符。轉扇揚風。停車待雨。童兒結要。無欺一②之期。親友論刑。自得二①所。矧之詠父。鄭恭王諱達。周內史中大夫。隨開府儀同三司。黃門內史。吏部。刑部。二侍郎。尚書。左右丞。趙鄴。二州刺史。工部。吏部。二尚書。上言營東都。大監將作。大匠。武衛將軍。左光祿大夫。遂寧恭公。贈吏部尚書。唐贈尚書左僕射。垂拱二季。封鄭王。食邑一萬戶。依舊謚曰恭。即雍州牧司徒觀。

德王之季弟也。量包江海，氣逸煙霄。文則呂氏春秋，武則孫吳兵法。箕裘代襲，鏘鏘萬石之君。禮樂基身，翼翼千金之子。鸞迴玉札，鴈落瑠弓。激水張鱗，遙浮渤海。搏風理翰，直上扶搖。累踐崇階，頻昇顯秩。靽鞞北闕，位揔貔貅。曳履南宮，聲高鸛鷺。貂冠入侍，氣應連珠。隼旆分班，榮叅執玉。加以累仁鍾趾，積德延祥。四履開封，寵及九泉之路。千乘禮恩，覃萬古之前。棠棣相輝，鶴鴿交映。劉家兩驥，譽滿寰中。荀氏八龍，名高海內。通門向術，冠蓋成陰。甲第當衢，歌鐘就列。伏惟無上孝明高皇后，資靈囿宇，魄毓粹。○宮承茂祉於瑤筐，降仙儀於金屋。聲馳北歲，潛流夢②之祥。

譽表笄華。暗積捫而之。貺蘭襟散馥。蕙問揚翹懿。則
重於邦家。柔儀冠於今昔。忠圖孝範。授翠竹而凌霜。
媛德嬪容。引青松而冒雪。禮枝合秀。藻七誠於情田。
行葉分芳。籠九師於性府。微猷內湛。韶姿外發。懸明
鏡於積水之閒。振清飆於長松之上。貞規漢遠。亮節
秋高。翠縷紅纁。從來未重。龍梭鳳杼。本自多輕。簡素
鄙輦繡之工。靜默尚韋編之道。明詩習禮。豈唯秋菊
之銘。閱史披圖。寧止春椒之頌。學標而縱。開道德之
清關。業契生知。入文章之妙境。曾於方寸。具寫千言。
揔遊霧於毫端。窮偃波於筆杪。芝英雲氣。入魏帳而
分輝。龍爪魚形。映張池而散彩。嘗題一簡。密記貞心。

置以緘滕藏之屋壁云當使惡無聞於九族善有布於四方指此立身期之必遂後因修宅匠者得之恭王見而歎曰此隆家之女矣昔者書堂欲壞唯聞絲竹之音劔匣將開空覩蛟龍之氣未有仁心暗徹睿德冥通橫宇宙而無違滿乾坤而自應若乃行該莖義孝極而經親枕席而忘疲候晨昏而靡倦及乎風枝不靜露蓼含■哀哉履厚莖而無追仰曾穹而莫報思欲托三乘之妙果憑五演之元宗永奉嚴親長栖雅志昔隨季喪亂海內沸騰伏豔垂而風塵暗起羣龍戰野旗鼓潛張白騎於是爭馳青犢由之競擾蚩尤則餐沙食石項羽則索鐵申鉤赤眉探盆子之

籌黃巾聚而師之米夫三才合契唯神膺大寶之名
六位乘時惟豐運洪鑪之德唐高祖神堯皇帝材雄
鵠起業峻龍飛用丹扈而寧生將朱旗而撥亂而綱
既紐竟收龍鳳之圖壘角咸清遂翦豺狼之毒無上
孝明高皇帝觀時有作應運而生先知赤伏之言預
識黃○之兆功深坐樹績茂披荆負伊鼎而陳謀入
張幃而建策龍鈐獨運當赤壘之三千獸節長駟偶
皇而之百六息崑山之巨燎並藉中權定滄海之橫
流咸資上畧志同魚水契若鹽梅如魏武之得荀攸
似漢光之逢鄧禹雖英圖盛烈昭鶴鼎於高門而闡
則嬪風闕魚軒於中饋高祖神堯皇帝位膺元首任

切股肱利涉大川寄隆舟楫式崇勳舊爲結潘揚酬
功草昧之時賞效雲雷之②高后以孝誠純至雅操
虛冲拒縟禮於移而誓閑襟於蘭茝六塵不染孤標
水上之花四諦方披獨晤○中之區洎乎鳳凰開繇
猶堅匪席之心烏鶴成橋果迫如綸之命於是使桂
陽公主爲婚主禮娉所須並令官給旣而三○叶兆
百兩邀歡與松蘿而比茂諧琴瑟而流響風閨少女
襲蘭蕙而馳芬匝幌仙娥韻珩璜而動步光生綺殿
比桃李而增鮮影發春樓視雲霞而掩色八絃欽其
雅躅四海挹其鴻徽猶羽翼之宗鸞鳳風雲之隨龍
虎者矣廟見斯畢即拜應園夫在從班例也于時帝

圖肇建王業。夙基三戶。亡秦覺風塵之始定。四門關
舜。識雷雨之將調。而無關^①之祚。堯息崩山之禍。主
上方勤庶政。屬想羣黎。將貽共理之憂。式廣求賢之
務。無上孝明高皇帝。以勲兼竹帛。義重金蘭。備歷文
武。昭昇內外。三踐八元之位。四臨九百之途。中臺飛署
劍之榮。南服揔班條之任。高后以業光圖。大道叶墳
篋。欲啓仁明。寔具儉助。是以量如江海。令未發而風
移。化穆荆衡。澤將流而至。悅呼鷹臺下。尚隔去思。抵
鵲巖前。始歌來晚。俄而高祖晏駕。瞻脫屣而無留。太
祖崩號。奉遺弓而積慕。沈綿遽軫。終無就^②之期。痼
疾遄淹。忽切乘○之釁。高后哀深。杞堞誓切。柏舟悲

一劍之先沈怨雙桐之半死昔時寶鏡愴對孤鸞舊
②瑤琴悲聞獨鶴銜窻茹痛撫總帳而增號弔影傷
魂踐孀閨而凝慕方祈淨業敬托良緣憑慧炬於幽
途艤慈舟於覺海於是心持寶偈手寫金言字落貫
花詞分半匝龍藏豈及象負難勝將佛②而長懸共
慈燈而不滅及龍旌首次蠶紉遵途永惟憑附之誠
願託上榛之側方冀鴛栖梓樹近接埏庭鶴舞松枝
傍依墜路特以壘上牽居膝下愛切掌中理藉劬勞
方資願復宣和諭善屢積葭灰②就匠將頻移柘火
至永徽六季壘上母儀萬困正甄位六宮將開練石
之基乃遂頽沙之社大帝以西京命賞平原之秩未

東漢崇恩新野之封猶褊於是廣流元霈大啓黃扉稽石窳之遺塵裂寶符之氣昂以其季十一匹時拜代因夫至食湯沐邑一千戶品正第一位在王公母妻之上魚軒水鶯颺輕影於龍池翬服霞明下鮮文於鳳掖榮由德被位匪恩昇驟應嘉名徒昭洪澤以顯慶五季十匹轉拜榮因夫至尋改封鄼因夫至自家疏槐里門荷穉庭累沐殊輝頻膺茂典南鄰夜靜奏鐘磬於高臺北里晨通列笙竽於廣榭門有躡珠之客家豐饌玉之廚恒處逸而思勞每將昇而必降綠墀青瑣特忿王根火布金地深非梁冀謙撝之美萬罔仰而知勸端潔之風九圍欽而取則智周寰

宇識洞古今。思所以匡罔庇至。濟時執物。嘉謨讜說。屢發於神襟。厚利豐功。頻彰於帝念。奏便削藁。至莫能知。每以孔光祕言。合爲惠之道。山濤密啓。得事。爾。韜之要。可久。可大。置黔首於生成。惟幾惟深。頓蒼元於覆。至若緣情體物。屬事比辭。取之以義。方先之以風化。清詞海富。縹藻雲繁。凡所著述。皆成典詞。其動也方。其靜也直。其恩也若春。雨之流津。其威也若秋。霜之應節。接上以禮。逮下以仁。君子感其德。小至歡其惠。而機獨轉。靈臺迴燭。虛鑒與②。匪齊明神理。共陰陽比。奧洋洋乎。不可得而稱也。旣而離宮霧闢。遙橫堊乳之山。別館○開。上戴而眉之宿。甘泉避暑。

方陪萬乘之遊。景福追涼。更扈六龍之駕。不謂災纏
霧露。痲積膏肓。丹屐凝慈。召名醫而接軫。紫霄流渥。
下玓藥而相望。玉釜徒煎。竟乏長生之術。金丹莫就。
終無駐壽之期。咸亨元。率八匹二。崩於九成宮之
山第。春秋九十有二。璽上以身齊霄。極禮闕晨昏。戀
隔九重。望長筵而下泣。心馳五起。瞻厚縉而啣悲。大
帝慮不勝哀。祕茲凶問。苴筵欲對。仍流不次之恩。藁
服將臨。更下非常之澤。仍改封衛瓘。夫瓘以諭璽上
之憂懸也。后疾將大漸。時落高春。雅志無昏。神情不
撓。影隨燈滅。自此長辭。魂逐香銷。終無斲反。以爲合
葬。非古禮貴從宜。將追瓘極之慈。願在先塋之側。璽

上奉遵遺旨無忝徽音割同穴之芳規就循陔之懿
躅即以其年庚午閏九匝辛丑朔廿一^①辛酉遷座
於雍州咸陽縣之洪瀆原鄭恭王舊塋之左禮也尔
其郊原坱圠林薄阡眠秦壑關河迴接寶雞之野漢
家墳隴平依金秋之川松檟森沈何年烏住風煙蕭
索幾代在亡於是凝恨九而廢朝三^②空山露泣痛
結飛行曠野雲愁悲躔草樹乃下制贈魯園太夫在
謚曰忠烈仍令司刑太常伯盧承慶攝同文正卿充
監護大使右肅機皇甫公義等爲副賜東園祕器每
事官供務從優厚仍令西臺侍郎道園公戴至德持
節弔祭京官文武九品以上及諸親命婦並赴宅弔

哭仍送至渭橋葬事並依王禮給班劍四十生羽葆鼓吹儀仗送至墓所往還官爲立碑親紆銜禮璽上因心轉切錫類方宏希申莫大之懷冀展飾終之請烏墳欲列思增茅土之儀鶴壠將崇願廣山河之誓遂得五雲飛彩墜仙液於松塋十迴光被增輝千萬里乃下制贈太原郡王妃餘並如故所司備禮冊命大帝親御橫門開軒悲哭紫宸哀慟黃屋淒涼兀堊爲之寢光煙雲由其輟色璽上以幽明永隔祀姑長辭終無再見之因鎮結千秋之恨奔曦已遠薦霜葺而無乘逝水難追饋冰魚而末二又以嚴規早墜遠卜厝於鄉墳慈蔭重傾近陪親於京壠陵塋眇隔

長懸兩堊之悲。關塞遙分。每切百身之痛。遂命大使
備法物。自昊陵迎魂歸於順陵焉。遊冠遠降。墜鳥遙
遷。方移沛邑之魂。更啓橋山之域。白雲朝起。乍伴龍
輶。明匝宵懸。時低蠶衛。文明元季。壘上臨朝。其率九
匝。追尊先妃曰魏王妃。食邑一萬戶。實封加滿五千
戶。改咸陽園寢曰順義陵。大名而啓。奧壤○分。古樹
捎雲。近對黑龍之水。荒墳映匝。傍隣丹鳳之城。徽號
既崇。園陵肅廣。屬以圖書。河洛龜負。鳳銜窓闥。方圓
雲攢霧矯。合宮重屋。既布政而嚴禋。玉輦金輿。具巡
河而拜洛。永昌元季。追尊先妃曰忠孝太后。既而謳
歌允集。獄訟知歸。而垂革命之符。求堊涌受終之錄。元

珪錫禹還逢揖讓之乘。黑玉歸商即啓休明之運。九
莖仙草依漢殿而抽芳。五色祥雲繞軒宮而布彩。下
從至望上應天心。乘寶位於通三。建瑤圖於得一。黃
琮蒼璧祀堊郊而複廟。重簷宗文祖武。鴻名肇創。光
鳳闡於幽泉。茂禮將加。飾鸞圍於長夜。而穠辘元乘。
追尊曰孝明高皇后。陵曰順陵。復以祥分貝葉。瑞演
龍花。金容開十堊之圖。玉相告三空之識。龍軒黯黯。
俄爲兜率之而。鳳閣岩岩。忽似須彌之座。金輪旣轉。
玉鏡方懸。式詮無上之文。肅顯崇親之義。長壽二乘。
后位之上。又加無上兩字。尋又下制。改順陵曰望鳳
臺。東京故事。西漢遺塵。封樹空存。追崇未廣。豈若宸

襟鎮結長懷露序之哀睿念恒纏永積霜旻之慕遙
瞻鳳野式建嘉名遠望鶉郊長懸美稱且夫功成翼
贊尚畫雲臺勳擅勳庸猶題麟閣況乎倪而茂德貫
匪殊禎垂母則於寰區導嬪風於邦國豈可使炎涼
暗積陵谷潛移唯栽舞鶴之松不刻盤龍之石壁上
凝懷萬化長想千齡恐堊軸之西迴懼而闕之北轉
方圖琬琰式降絲綸永嗟仙鶴之歌用固靈龜之上
微忠攀輝②樹沐潤○潢榮忝綠車職兼青史奉先
追遠恒積慕於丹誠相質披文忽承恩於紫誥是用
恭抽弱思敬述洪猷屑瓦徒勤生金媿妙揮毫奪魄
陳萬一而寧窮伏紙驚魂辭再三而不獲逡巡拜首

乃作詞云。

邈矣上古悠哉厥頤而迴紫府。堊轉黃輿陰陽蕩薄。
② 匪居諸靈龜負誠寶鳳銜書。其六位既陳三才乃
立。帝皇鬱起后妃更襲蛟雷遙凝虹。○下入渭溪疏
派塗山是葺。其明明高后奕奕輝光白環代鬱丹轂
家昌靈基嶽峻曾派河長捫而集祉裕後開祥。其爰
自生育早彰尊貴匪出○流青龍紫氣金屋是貯玉
衣方萃鷲卵非竒雞珠寧異。其芝蘭吐葉桃李開花
黃雲白氣夜匪朝霞賢明自負仁孝無加曾霄降藥
秘篋飛沙琪聰晤而資惠才神與河漢靈匹瀟湘帝
女筆動鸞迴絃調鶴儷滌想金堊堊心寶聚。其仙容

婉婉豔質裁裁。○妃恥出。匡媛羞過。椒花入頌。柳絮
縈歌。詞峯秀嶽。學海馳波。其魴鯉成詩。鳳凰開兆。琴
瑟既合。室家斯紹。兩鶴齊飛。雙龍並繞。德行方肅。言
容是昭。其九圍母則。六合嬪風。恩流海內。化被區中。
銀環曉上。金珮夜。祥開梓闕。位冠椒宮。其習禮明
詩披圖閱。史漢朝馬。鄧周。率任似陰。化聿宣。坤義肅
理貫。匪騰瑞。驚雷送祉。其高春。忽墜上壽。俄蹇金丹。
不熟。玉金徒煎。黃泉九壑。白。三。六宮恨積。萬罔
哀纏。其一。寂寞上壠。淒涼原隰。畢塗難追。終而靡及。
齋露晨清。秋霜降急。伏紙銜悲。揮毫灑泣。怨壘賢之
同盡。感昏明之遞襲。紀盛德於豐碑。冀神猷兮永立。

其一長安二季歲次壬寅金匱己巳木朔五②癸酉金建特進太子賓客兼修國史上柱國梁王忠三思奉勅撰太子左奉裕率兼檢校安北大都護相王惠旦奉勅書此碑明末地震而什後遭縣令鑿碎用之脩渭河岸咸陽金石遺文尚存僅十之二三至王氏萃編所載祇二百十八字予所藏汪太史士鉉手蹟二冊題云唐碑錄存內有此種獨爲完全必出地震前舊搨也函錄之以補萃編之闕

續見順陵碑舊編本重校
四十一字甲戌閏月記

續古文苑卷第十七